



Kakanj, 11. 12. 2023. godine.
Broj: 01/D-01-43- 13715 /23

Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 1094-12/23 od 05.12.2023. godine po otvorenom postupku (OP: 17/23 - Nabavka rezervnih dijelova za otkopnu mašinu Eickhoff SL 300), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14, 47/14, 59/22), direktor mr.sci. Sead Imamović, dipl.ing., donio je

ODLUKU **o izboru najpovoljnijeg ponuđača i dodjeli okvirnog sporazuma**

Član 1.

Za najpovoljnijeg ponuđača za nabavku roba – Nabavka rezervnih dijelova za otkopnu mašinu Eickhoff SL 300, po provedenom otvorenom postupku OP: 17/23 izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	„SIMING“ d.o.o. Jesenice na Dolenjskem	3.197.716,77 KM

Član 2.

Na osnovu provedenog otvorenog postupka OP: 17/23 u postupku dodjele okvirnog sporazuma za nabavku - Nabavka rezervnih dijelova za otkopnu mašinu Eickhoff SL 300, Ugovorni organ dodjeljuje Okvirni sporazum najpovoljnijem ponuđaču iz člana 1. Ove Odluke.

Član 3.

Nakon isteka roka za žalbu sa izabranim ponuđačem iz člana 1. ove Odluke zaključit će se okvirni sporazum u trajanju od dvije godine od dana zaključivanja, kojim će se regulisati međusobna prava i obaveze vezano za predmetnu nabavku odnosno pojedinačne ugovore za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

Vrijednost Okvirnog sporazuma koji će se zaključiti sa izabranim ponuđačem iz člana 1. ove Odluke iznosi 350.000,00 KM bez PDV-a.

Član 4.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Ukoliko je ponuđač uz ponudu dostavio dokumente iz člana 3.1. Odluke, nije u obavezi dostavljati traženu dokumentaciju.

Član 5.

Za izvršenje ove odluke zadužuje se i ovlašćuje Komercijalna služba Rudnika mrkog uglja „Kakanj“ d.o.o.- Kakanj.

Član 6.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.



Član 7.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-10878/23 od 22.09.2023.godine.

Odlukom o pokretanju postupka nabavke roba, Ugovorni organ predvidio je zaključivanje Okvirnog sporazuma sa jednim ponuđačem na period od dvije godine od dana zaključivanja Okvirnog sporazuma.

Procijenjena vrijednost javne nabavke (bez uključenog PDV): 3.198.000,00 KM

Obezbjeđena sredstva za okvirni sporazum iznose 350.000,00 KM bez PDV-a.

Obavijest o nabavci broj: 967-1-1-233-3-236/23 od 03.10.2023. godine poslata je na objavu dana 03.10.2023. godine, a objavljena je na Portalu javnih nabavki dana 03.10.2023. godine.

Komisija za javnu nabavku je dana 05.12.2023. godine sačinila Zapisnik o ocjeni ponuda broj: 1092-12/23 od 05.12.2023. godine i Preporuku o izboru najpovoljnijeg ponuđača broj: 1094-12/23 od 05.12.2023. godine u postupku javne nabavke roba - Nabavka rezervnih dijelova za otkopnu mašinu Eickhoff SL 300.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda jedna (1).
- da je blagovremeno zaprimljena jedna (1) ponuda.
- da nije bilo neblagovremeno zaprimljenih ponuda.
- da je ponuda ponuđača „SIMING“ d.o.o. Jesenice na Dolenjskem prihvatljiva.
- da nije bilo neprihvatljivih ponuda.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH“ broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Ugovorni organ u Obavještenju o nabavci broj: 967-1-1-233-3-236/23 od 03.10.2023. godine predvidio je provođenje E-aukcije u skladu sa Pravilnikom o uslovima i načinu korištenja E-aukcije.

Međutim, kako je pristigla samo jedna prihvatljiva ponuda, te kako Zakon o javnim nabavkama nalaže da se e-aukcija ne provodi u slučaju jedne prihvatljive ponude, tako da Ugovorni organ nema osnova da provede e-aukciju.



U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	„SIMING“ d.o.o. Jesenice na Dolenjskem	3.197.716,77 KM


Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.



Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Rudnika mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Rukovodilac Sektora RFK poslova

Dir e k t o r


Ema Zaimović, dipl.ecc.


mr.sci. Sead Imamović, dipl.ing.


5 Prokurist

Nedim Fejzić, dipl.el.ing.

Dostavljeno:

1x Direktor

1x Učesnici u postupku javne nabavke

1x a/a